

DN 2

PEMELIHARAAN RUMAH TRADISIONAL DESA JOHOR

Pengekalan ciri-ciri perumahan tradisional adalah penting sebagai komponen unik yang menyokong daya hidup sesebuah kawasan kampung. Unsur tradisional harus ditonjolkan sebagai kawasan yang menarik untuk didiami, mempunyai perumahan dan perkhidmatan berkualiti serta pelbagai kemudahan bertaraf bandar.

DN 2.1: Pemeliharaan dan Penyediaan Insentif untuk Rumah Tradisional Sedia Ada

CADANGAN TINDAKAN DAN PROGRAM

Justifikasi Cadangan:

- Terdapat beberapa rumah yang masih mengekalkan ciri-ciri dan kriteria seni bina rumah tradisional yang perlu dipelihara.
- Keperluan kajian lanjutan untuk mengenal pasti ciri-ciri dan kriteria seni bina rumah tradisional yang perlu dipelihara.

Komponen Cadangan:

- Mewartakan sebagai kawasan pelancongan
- Menawarkan *homestay* rumah tradisional
- Mewujudkan agensi pengurusan/koperasi
- Menerapkan dalam pembangunan terkini
- Menawarkan lokasi bagi industri perfilman

Kaedah Pelaksanaan:

- Pelaksanaan projek melalui kerjasama awam dan swasta dan masyarakat desa.



Foto: Inap Desa Teratak Selari Bonda, Kg. Parit Tengah, Batu Pahat

Sumber: Facebook, *Inap Desa Teratak Selari Bonda*, 2018



Foto: Homestay Teratak Impian, Kluang

CADANGAN LOKASI

Cadangan ini mengesyorkan satu (1) kluster kampung bagi setiap daerah di Johor Tengah untuk pembinaan dan pengekalan perumahan tradisional sedia ada bagi tujuan pelancongan.

Daerah	Nama Kampung	Jenis Kampung
Batu Pahat	Kampung Parit Tengah	Kampung Luar Bandar
Kluang	Kampung Paya Lama	Kampung Dalam Bandar
Mersing	Kampung Tenglu Besar	Kampung Luar Bandar


AGENSI PELAKSANA

Pemula	Pelaksana
<ul style="list-style-type: none"> JPKK Kementerian Pelancongan dan Kebudayaan 	<ul style="list-style-type: none"> Pejabat Daerah dan Tanah PBT Jabatan Warisan Negara

ANGGARAN KOS

- Insentif kos setiap kampung RM 1,000,000/daerah = RM 3,000,000.

FASA PELAKSANAAN



Justifikasi Cadangan

Rumah tradisional melayu adalah antara seni bina terawal yang merupakan tempat kediaman tradisional masyarakat penduduk asal di suatu ketika dahulu. Sehingga kini, masih terdapat beberapa rumah tradisional yang berdiri kukuh termasuklah di kawasan Johor tengah. Kesenian pertukangannya disampaikan secara turun temurun dari generasi ke generasi dan telah mengalami proses transformasi selama bertahun-tahun mengikut arus pemodenan hari ini. Oleh itu adalah tanggungjawab generasi kini untuk meneruskan atau memelihara pembangunan yang memiliki unsur tradisional dan warisan. Terdapat pelbagai usaha dan program yang boleh ditekankan bagi merealisasikan cadangan ini iaitu:

Rajah 6.3: Langkah-Langkah Pemeliharaan Rumah Tradisional Melayu



i. Pelancongan Rumah Tradisional

Konsep ini merupakan kaedah yang digunakan bagi memperlihatkan keunikan yang dimiliki kepada pelancong luar. Tambahan lagi, konsep seperti ini semakin mendapat perhatian setelah dikenalpasti oleh pihak berkuasa. Potensi yang paling besar bagi menjadikannya kawasan pelancongan adalah perkhidmatan *homestay*. Perkhidmatan ini boleh diwujudkan dengan pakej aktiviti-aktiviti desa yang lain. Rumah tradisional yang berkeadaan baik dan cantik wajar untuk menjadi pilihan penginapan para pelancong. Ia juga mampu menjadi inspirasi kepada mereka sekiranya ingin menambah elemen tradisional yang dipelajari untuk menghiasi rumah mereka hari ini.

ii. Menerapkan dalam Pembangunan Terkini

Pemeliharaan rumah tradisional melayu juga boleh dilakukan dengan mengasimilasikan seni bina tersebut ke dalam bangunan atau binaan baharu hari ini. Muzium Negara merupakan contoh terbaik dalam mengasimilasikan seni bina tradisional melayu pada bangunan-bangunan ikonik di Malaysia. Pembinaan rumah masa kini juga sesuai dalam meletakkan elemen-elemen tradisional melayu supaya warisan yang dimiliki ini dapat dikenalkan walaupun berada di dalam era permodenan.

iii. Mewujudkan Agensi Khas Pembangunan Tradisional

Setiap usaha yang dinyatakan di atas boleh dijayakan sekiranya wujud sinergi yang kuat antara pihak berkuasa dan pemilik rumah-rumah tradisional melayu dalam memelihara seni bina warisan dalam kawasan desa. Sebuah agensi perlu diwujudkan bagi menguruskan dan menyusun strategi terbaik untuk memelihara seni bina rumah tradisional melayu. Kerja-kerja penyelenggaraan boleh dijalankan dan dikongsikan kaedah terbaik bersama-sama komuniti masyarakat dalam usaha menyelenggara bahagian-bahagian di dalam rumah tersebut.

Sumber: Kajian PHS Desa Negeri Johor (Fasa 2: Johor Tengah), 2020

Penanda Aras

Dua (2) lokasi yang sesuai untuk dijadikan contoh di dalam kajian ini telah dikenal pasti iaitu Kampung Lonek, Negeri Sembilan dan Terrapuri Heritage Village, Terengganu. Konsep pembangunan, strategi pelaksanaan bagi kedua-dua penanda aras yang dipilih ini adalah sesuai untuk dilaksanakan ke dalam pembangunan tradisional Desa Johor pada masa akan datang.

Homestay Kampung Lonek, Negeri Sembilan

Homestay Lonek ini ditubuhkan sekitar tahun 2004 dan seterusnya menjadi Koperasi *Homestay* Lonek Jempol Berhad pada tahun 2013. Kampung ini dikelilingi sawah padi ini menyediakan pakej pelancongan berkoncepcian *agro-tourism* dan kebudayaan tradisi setempat. Pelancong yang menginap di sini akan dapat merasai pelbagai pengalaman yang menarik termasuk sukan tradisional mengocha ikan serta menikmati keenakan juadah kampung.

Homestay Lonek menawarkan pelbagai program dengan pengalaman di kampung termasuk perkhidmatan sewaan kendaraan, sewaan chalet, pakej perkhemahan dan pakej kursus. Kepelbagaiannya perumahan tradisional melayu dikekalkan dalam kawasan kampung ini yang juga menjadi tarikan terhadap pelancong.



Foto: Reka Bentuk Pintu Gerbang *Homestay* Lonek
Sumber: Facebook, *Homestay* Lonek, 2021



Foto: Reka Bentuk Rumah Tradisional Sekitar *Homestay* Lonek
Sumber: Facebook, *Homestay* Lonek, 2021

Terrapuri Heritage Village, Terengganu

Terrapuri (*The Land of Palaces*) ialah projek pemuliharaan dan pemuliharaan rumah klasik melayu di Terengganu. Ia menampilkan 29 buah rumah tradisional yang antik ratusan tahun. Susun atur resort ini diilhamkan oleh Istana Terengganu abad ke-17 dan sekitarnya. Terrapuri terdiri daripada 20 vila yang eksklusif yang dipulihkan, galeri dan rumah pantai.

Pembangunan resort ini dibantu oleh beberapa inisiatif daripada pihak kerajaan dengan penawaran faedah serta bantuan dalam meneruskan perusahaan yang menekankan unsur tradisional melayu. Dengan penawaran inisiatif ini ia dapat menarik minat pengusaha untuk turut terlibat dalam pembangunan perumahan tradisional ini bagi menyokong sektor pelancongan di dalam kawasan desa.



Foto: Reka Bentuk Rumah Tradisional Terrapuri Village
Sumber: Facebook, Terrapuri, 2021



Foto: Kepelbagaiannya Kemudahan Sokongan
Sumber: Facebook, Terrapuri, 2021